



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter formulas Declaratoriarum Censurarum, ponuntur aliæ
formulæ, tum Citationum, ac Monitionum pro validitate processuum
requisitarum, tum Decretorum, aliorumve actuum ad opportunitatem, &
ornatum materiæ incidentium; acceditque in calce Appendix miscellanea,
plura, ad Gubernium ...

Monacellus, Franciscus

Venetiis, 1709

Sententiæ declaratoriæ excom. contentæ in c. 8. sess. 24. Concil. Trid.
Form. XXVII.

[urn:nbn:de:hbz:466:1-62433](https://nbn-resolving.org/urn:nbn:de:hbz:466:1-62433)

Exactor debet esse diligens in exactione, aliàs si non de levissima saltem de levi culpa in actione civili tenetur, & quod si fuerit negligens, non solum mercedem conventam non lucrabitur, sed tenebitur de neglectis, & non exactis, ut de communi volunt, Cyriac. *contr.* 433. num. 6. 17. & 18. Zacch. *de Salar. qu. 65. num. 37. & seqq.*

Ex summa exacta detrahenda. Exactores privati, diversimodè deputantur: alii enim nulla mercede conventa munus exactionis subeunt; alii pro mercede: detrahenda ex ipsa summa exacta ad rationem tot, puta, quinque, sex, octo, vel decem pro centenariis, prout hic in formula: alii demum exactiones acceptant, & in se assumunt omnem illarum utilitatem, & damnum, solvendo Dominis certam summam: & hi quoties inveniuntur (data idonea cautione) tamquam diligentiores, & 3 utiliores, erunt pro locis piis assumendi: nam isti dicuntur emptores exactionis, & censentur Procuratores in rem suam, ut docent Tondut. *q. civil. tom. 1. par. 2. c. 32. n. 4. & 5. Zacc. de salar. d. qu. 65. n. 1.*

4 Hujusmodi autem Exactoris deputatio, ut præmissum est, debet fieri cum causa, & pro illis locis piis, quorum Officiales, & Ministri negligunt, vel confundunt exactionem introitum notabiliter, & libros, ac partitas dati, & recepti ineptè conscribunt, & consarcinant: Cæterum ubi introitus diligenter exiguntur, computa, & libri benè, & fideliter ab Officialibus retinentur, abstinendum venit a tali deputazione, ne loca pia absque ulla utilitate novo hoc graventur onere.

Liberam relinquimus. Per hanc expressionem datur intelligi, quod per deputacionem Exactoris, non tollitur Officialibus loci pii administratio bonorum, quam de jure habent, ut alibi dixi, sed pro utilitate, & manutentione eorundem bonorum capitur provisio, a qua non poterunt reclamare ex supra firmatis §. 1.

Notificentur, & intimantur. Ut enim 6 Debitores non liberentur solvendo Officialibus, & Administris loci pii, debet illis intimari Exactoris deputatio; aliàs ipsis, qui mandatum habent a lege licèt à Judice revocatum, bene solverent, si revocationem ignorarent *l. si fidejussor. §. si cum debitor ff. mund. Pacion. de locat. c. 26. n. 28.* ubi dat concordantes.

De Excommunicatione contenta in cap. 8. Concil. Trid. sess. 24. de refor. matr.

Concubinarii, sive laici, sive Clerici sint multandi, & puniendi sunt prout Sacri Canones sanxerunt, & Leo X. in Bulla reformat. Cur. Romanæ approbata à Concilio Lateranensi anno 1514. impressa in Bullar. tom. 1. *Const. 7. §. 36.* mandavit, & novissimè Concil. Trident. homologavit. Quare constituto de schemate Concubinatus, si Episcopus velit contra hos via Censurarum procedere, & non per viam multæ pecuniariæ, aut alterius penæ de jure communi, vel a Synodo inflictæ, tunc præmissis tribus distinctis monitionibus, cum aliquo dierum intervallo ad ejiciendam Concubinam, si non pareant, etiam nemine requirente, ad sequentem, declaratoriam deveniat.

Sententiæ Declaratoriæ.

F O R M U L A XXVII.

V isis relatione Baroncelli nostræ Curie, informatione capta super Crimine Concubinatus N. laici soluticum N. Muliere soluta, totoque processu de super constructo, ex quo constat de schemate dict. Concubinatus; visis monitionibus contra d. N. ter repetitis, & exequutis ad relinquendam dict. Concubinam, quibus parere contempnit, dicimus, & declaramus prænominatum N. esse excommunicandum prout per hanc nostram sententiam excommunicamus, &

à. co. 25.

à consortio Christi Fidelium segregamus, donec resipiscat, & exeat a peccato, & pro excommunicato publicè denunciari volumus, ad hunc effectum Cedulones relaxantes omni &c.

N. Episcopus (five N. Vic. Gen.) N.

N. Actuarius.

SUMMARIUM.

- | | |
|--|--|
| <p>1 Clerici Concubinarum qua graduatio-
ne poenarum sint puniendi ostendi-
tur.</p> <p>2 Concubinitus, ad effectum puniendi
reos juxta praescriptum Sac. Ca-
nonum probatur etiam diffamatio-
ne, & n. 3.</p> <p>Clericus, si post sui Superioris moni-
tionem, Mulierem de incontinentia
suspectam a Domo non ejicit, di-
citur publicus Concubinarium ibi.</p> <p>4 Consuetudo peccandi ad effectum pu-
niendi Clericum Concubinarium, in-
ducitur per duos actus, ubi praec-
cessit monitio.</p> <p>5 Concubinitus est crimen mixti fori.</p> <p>6 Concubina Clerici, à quo Judice sit
punienda, referuntur DD. opinio-
nes.</p> | <p>7 Concubinarum laici excommunicari non
possunt, nisi praecedant tres moni-
tiones distinctae, nec sufficit moni-
tio Synodalis, nec edictum, & n. 8.
& 9.</p> <p>10 Datur formula monitionum, & nu-
mer. II.</p> <p>12 Concubinarum puniri possunt aliis poe-
nis, & tunc non requiritur trina
monitio.</p> <p>13 Mulieres Concubinae, non excommuni-
cantur, sed aliis poenis afficiuntur,
nisi sit Concubina Clerici.</p> <p>14 Mulier conjugata, si sit Concubina,
quomodo moneatur.</p> <p>15 Concubinarium, si sit persona publi-
ca, quomodo sit monendus.</p> <p>16 Regulares si retineant Concubinam.
quomodo sint processandi ostenditur.</p> <p>17 Decretum contra Concubinarium la-
tum, non admittit appellationem.</p> |
|--|--|

Denunciationis.

FORMULA XVIII

HIC auctoritate ordinaria denunciatur, & declaratur excommunicatus majori excommunicatione N. ex eo, quia ter monitus ad ejiciendam à Domo N. Mulierem solutam, quam retinet in Schemate Concubinitus, illam dimittere noluit, seque ab ejus prava consuetudine peccandi sejungere contempsit: idcirco ut ab omnibus evitetur praesentes iustum publicari, & excommunicatus existeret, idest privatus consortio fidelium, perceptione Sacramentorum, participatione suffragiorum, & Orationum, Ecclesiae, & Ecclesiastica sepultura in casu obitus, donec resipiscat, exeat a peccato, & absolvi mereatur. Datum &c.

N. Episcopus N.

Loco ✠ Sigilli.

N. Actuarius.

COB